

۱ شعبان ۱۳۳۱

بازار ایرتسی

۲۴ حزیران ۱۳۲۹

عدد — ۵۲

امور اداره و تحریریه و اعلانات و ساثره
ایچون مدیر مسئوله سراحت ایدملیدر.

عرفای امتك مقالات منصوفانه لرینه
جریده صوفیهك حبیفه لری
آجیقدر .

جریله صوفیه

شیمدیلك هفتهده بر نشر اوانور .

نسخه سی ۴۰ پاره در

ابونه سی : بر سنهك اعتبارله ممالك
عثمانیه ایچون ۴۰ آلتی آیلغی ۲۵ فروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

اخلاقی باغچہ

عدد
۳

« جهان اسلامیتہ علوی اساسلر »

« دن »

(عدالت)

برهان قاطع وحکم ساطعہ ظهور ایدہ رک افعال انسانیتہ حق ابلہ حقہ ربط ایدن متین و فیاض اساسلردن برسیده « عدالت » در .
« عدالت » وجدان سایمک افراط و تقریطدن بری اولارق حد اعتدالده کوردیکی حرکات مشروعه به دینور .

صاحب حمد بی پایان اولان جناب عادل مطلقک انزال ایلدیکی کلام مجیدده « ان الله یأمر . آیت جلیله سبلہ بتون افعال و حرکاتمزدہ مادی ، فکری ، علمی ، معنوی ظهور ایدہ جک شیلرک عدالتہ مستند اولارق اجرایی امر ایدیور . بونقطه به استنادله بیابان شینک غایه سی بزم ایچون نه قدر مؤثر بردوا ، نه قدر فیاض برشفادر .

بوعلوی خلقک مزایای عالیشان کزیده سکنه عالم وسیدسند بی آدم صلیا علیه وسلم افندمن عدالتله کچن بر ساعتک عبادتله کچن یتش سنه به معادلدر « مال عالیشان اولان شو : « عدل ساعه خیر عبادة سبعین سنه » کلام فضیلت نثارلی ابلہ تأیید ایدیورلرکه بوده ، عالی برترغیب ، ظلمدن زاجر برزهیدر .

قانون ازللی ملکوت اولان منبع حکمتده نظیری مفقود « فاحکم بالعدل » امر جلیلی بوخصوصده نه متین برسور نه قطعی بردستوردر .
زمانلرنده مالک اسلامیتہ شرقاً ترکستانه ، غرباً جزایر حدودینه شمالاً آسیای صغریه ، جنوباً افریقاده حبش ، توبه و آسیاده تکمیل جزیره العرب وسائر بعض ممالکی بدغالبیتنه آلاں خلفای راشدینک احکام شرعیه نک تماماً تطبیقی خصوصی فوق الماده اعتنا ایلهملرندن ایلرو کلشدر .

شریعت اسلامیه نک هر بر اساس واحکامی پک چوق حقایق جامع اولدیفندن بونک تطبیقیله هر طرفده نشر اولنان عدالت وتأمین ایدیلان رفاه وسعادت ، جماعت اسلامیه بی سجده شکرانه قیامتشددر . واقعا واحکامی تطبیق ایدن الکرکه اوراده مدخلدار اولمی طیبی در . صدر اسلامده یتیشن اکابر ، ورؤسای حکومت عدل وحقی وزهد وتقوایی پیشوای حرکت اتخاذ ایدہ رک مأمور اولدقلری وظائف دینیه ، ووظائف مدنیه لر بی ایفاده ذره قدر تکامل دکل اثر ایزیله کوسترمامشاردر .

اعدلوامادام امرکم : نافماً فی النفع والفر
واحفظو الایم دولتکم : انکم منها علی خطر
انما الدنیا وزینتها : مطاب مایق من الازر .

علماء اخلاق حدود اعتباریله مطلق عدالتی ایکی قسمه تقسیم ایدرلر .

(۱) عدالت الهی : — بوقسم جناب خالق اللوح والقلم مالک الملک والایم حضرتلرینه اولوب آنحق آنکله قائم اونکله دائمدر .

(۲) عدالت انسانی : — نوع بی بشرک هیئت مجموعهمنه نظراً کندیلرینه ویریلان حصه بلیغ بی درینی در .

عدالت الهی جرم وجنایت اصحابی هر آن تعقیب ایتدیکی ایچون انواع مظالم و سیئات ابله ظلم واهاتی واحکام الهیهه مغایر افعال وحرکاتی تجویز ایدنلر شهمسز یقینی پنجه مجازاته ویرم جکرلدر . لکن عدالتی التزام ایدنلرسه بوی مادی ومعنوی مجازاتدن مصون اولورلر . آنک ایچون دیگر انسانلره قارشو ایفاسنه مدیون اولدیفمن خدمت عدالت اهمیتتی ، مزینتی ، مکافات ومجازاتی اوکره نوب تقدیر ایدم بیلیمک ایچون آخره استعمال ایدم جکمز فنا بر شیتی اولان نفسمزدہ تجربه ایدرسه ک ، بو صورتله جمعیت بشریه ایجروسنده باشماق آنلرله معاشرت ایدوب زرقی وتعالی قبولرینه صارلق ممکن اوله ییلور .

علیک بالعدل ان ولت مملکتک
واحزری الجور فیها غایه الخذر

ظالملری جزاسز برافق فقرای امته جور وجفما اولدینی کی
خاصه انسانیه اولان عدالتک خلافتنه امر الهی اولان قران مبینک عکسنددر .

هر حالده عدالت صرف مرحمت دیمک اولدیفندن حد اعتدالی تجاوز ایدنر آتی اخلال ایتمش اولورلر .

عدالت — انسانلرک دنیاده مریدی اولدینی ایچون هرکس آندن درس آلمه ، آنکله ابش کورمه که بورجلی درلر . عدالتسز بر خدمت نه قدر ایدی ده اولسه مضرتی اوندن اقدمدر . دنیا اونکله ، انسان اونکله . هر شیتی اونکله قائمدر . هر هانکی بر تاریخی آچارسه کز آچیکز عدمه بوواریلان کتله بشریه نک کبرنجی اسبابی بوکا اولان رغبتسزلکلریدر .

ولا یتقون الشر حتی یصیبهم
ولا یعرفون الا امر الامن النذر

خلاصه عدالت عالم کائناتک قیودانی جهان آخرتک ترجمانی اولدیفندن
میزان عدالتی الکلدن برافه ، زیرا انسانلرک حیوانات سازه دن مابه الامتیازی بودر . منتسبین علمیه دن نعمان زاده

۲ ب

اذان محمدی — و مثنوی شریفدن برحکایه

نه علوی حسیانه مالکدر اوقات ستوده صفاتک مؤذنک

الله اکبر الله اکبر

ندای مرشدانه سنی جان قولاغیه ایشیدر « العزة لله والمعظمة لله
والکبریا لله » جمله دعا به سبله قارشولرده اوصاف بشریتندن انسلار

وتجربہ ایدہ رک شأن الہی بہ مظهریتہ مستعد برعبد شکور اولدیننی فرق ایدہ [افلا اکون عبداً شکورا]

نہ علوی روحہ صاحبدر او عبد شکور و مہبورکہ ندای ارشادک صحنہ موجودیتہ اجرا ابتدیی فیوضات معنویہ دن اقتطاف ثمرات معنویہ ایدہ رک نامت بمانا تا ابد . ای جانما روشن بتو . تہایل برجستہ سیلہ حیات ابدیہ و موجودیت سرمدیہ دیلہ کنہ تردیفاً

اشہد ان لا الہ الا الہ اشہد ان لا الہ الا الہ

قول شریفنی تکرار ایدہ رک قابنی تنویر و حسیات مایہ سنہ تقویت و برہ [افضل الذکر لا الہ الا الہ]

اشہد ان محمد رسول الہ اشہد ان محمد رسول الہ

کلمہ منجیہ شہادتیلہ نشہ عنصریہ انسانیہ سنہ نور محمدیہ دن اقتباس نورایقان ایدن اہل دین شہراہ مدینت حقیقندہ سبقت ایتمزی [فی کل قرن من امتی سابقون]

حی علی الصلاح حی علی الصلاح

لسان شریفندن صلاحہ حاضر اول صلاحہ حاضر اول امر شریفنہ انقیاد ایدن اہل تقوی [ان الصلوۃ نہی عن الفحشاء والمنکر] نظم جایلنک مفاد منیفنہ اطلاع حاصل ایتمش اولدقلندن نمازی مکارم و تہذیب اخلاق ایچون سلم معارج عرفان بیلہ رک فلاحہ حاضر اولورلر [الصلوۃ معراج المؤمنین]

حی علی الفلاح حی علی الفلاح

[قد افلح من تزکی و ذکر اسم ربہ فصلی بل نؤثرون الحیاۃ الدنیا والآخرۃ خیر و ابقی] حکمت قرآنیہ سنہ آکامہ اولان اہل فلاح حیات مستعار دنیویہ بی حیات ابدیہ اخرویہ بہ تقدیم و ترجیح ایتمزلر حبیل متین شریفنہ صاریلہ رق جسماً و روحاً تظہر و تزکی و وظیفہ مقدسہ بیاورلر .

اللہ اکبر اللہ اکبر لا الہ الا الہ

تکبیر و تہلیلہ وجود موهومیلرینی وجود حقانی قدرت ربانیدہ استہلاک ایدہ رک مرتبہ فنا فی اللہ ترقی ایدرلر و مکارم اخلاقہ مظهر و محلی اولورلر .

اذان محمدی نہ علوی دعوت حقانی نہ علوی ندای رحمانی فاستمعوا یا اولی الاباب شو مقالہ اذانیہ مناسبتیلہ حضرت مولانا جلال الدین رومی افندمک مشوی شریفندہ ایراد بیوردقلری بر حکایہ عبرت نمائی اخوان دینہ اخطاری مناسب کوردم .

حضرت موسی علیہ السلامک تولدینہ مانع اولقی ایچون حیلہ ایلہ بی اسرائیلی میدانہ دعوت ایدن فرعونک تدبیرینہ مثال اولان حکایہ اوج بیت مشنوبدن صکرہ در .

مثنوی

ترجمہ سی

ای اسیران سوی میدانکہ پروید . فرعون ذکر بخبر اسرائیلی صحرا بہ کز شہنشہ دیدن جو دست امید . چہ قاروب اورادہ حبس و توقیف ایتمکلہ زو جملری از و جملرینہ مقارندن منع ایتمک ایچون ندا ایدربوب دیدی کہ

مثنوی

ترجمہ سی

ای اسیرل میدان جانینہ کید بکزربرا بادشاہدن جود و سخا کورمک امید و ارادر .

چون شنیدند مزده اسرائیلیان تشنگان بودند و بس مشتاقشان

حیلہ را خوردند و آن سو ناخندند . حیلہ بییدرلر (حیلہ بہ فایلدیلر) اولجانبہ سوردرلر کندیلرینی وعد جودہ احضار ایدیلر

همچنانک انجا مفل حیلہ دان . فرعونک حیلہ سی اولیلہ برجیلہ ابدی کہ بورادہ ذکر اولنور حیلہ بیلن مفل کفت میجویم کس از مصریان (برقریہ اہالیسنی قتل عام ایتمک ایچون اہالی بہ حیلہ ایلہ) دیدیکہ مصریلر دن برکسہ اراپورم

مصریانرا جمع ارید این طرف . مصریلری (اہل قریہ بی) بو طرفہ جمع ایدیکہ بکس نہایت ارادینم والدہ ایتمک ایستہ دیکم کسہ دہ کلون .

هر که می آمد بگفتانیدست این . هر کیم کلدیسہ بو دکلدر دیر ابدی و و کسہ بہ افندی کیر او کوشہ بہ اوطور دیر ابدی

تا بدین شیوہ همه جمع آمدند . ایشته بو شیوہ واسلوب ایلہ جلہ اہل قریہ طوبلاندیلر و بو حیلہ ایلہ انلرک بیونلرینی اوردیلر

شو می آنکہ سوی بانک نماز . اہل قریہ بہ واقع اولان بو ششامتک اسباب معنویہ سی شوایدی کہ اذان محمدی جانبہ الہک دہونجیسنہ نیاز کثیرمزلر ابدی (اجابت ایتمزلر ابدی)

دعوت مکارشان اندر کشید . بوعدم مبالات دینہ سبیلہ مکاراولان دعوت انلری جذب ابتدی ای قافل الحذر از مکر شیطان ای رشید مکر شیطاندن حذر ایت

اللہ اللہ شووقوعات تاریخیہ کوزمک اوکنندہ تجدد ایدوب طورور وملت حنیفہ اسلامیہ دوشمنلرک حیلہ و خدعہ سیاسیہ لری اجرا و تطبیق اولنور ایکن دنیا و آخرت سعادتنی متکفل حکمنی او ضایع ایتمش اولدینمز حکمت قرآنیہ بی اراپوب بولقی وظیفہ سنی اونودیوروز عامہ نامی ذوالجناحین تنویر ایتمک عرفا و علماء باللہک وظیفہ سیدر [العلماء امناء اللہ] [الحکمۃ ضالۃ کل حکیم انی وجد فهو احق بہا]

حانیہ مولویخانہ سی شیخی محمد شمس الدین

